

Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2024-yil 18-aprel, payshanba

№ 16 (9284)

e-mail: infoqishloqhayoti@yandex.ru

@Qishloqhayoti_gazetasi

БУЊЁДКОРЛИК ЛОЙИХАЛАРИ ТАҚДИМОТ ҚИЛИНДИ

**Президент Шавкат Мирзиёев
16 апрель кунини транспорт ва қурилиш
лойиҳалари тақдими билан танишди.**

Давлатимизнинг фаол ташқи сиёсати туфайли халқаро алоқалар кенгайиб бормоқда. Тошкент ишбилармонлик ва туризм марказига айланмоқда. Шу боис транспорт инфратузилмасини ривожлантиришга алоҳида аҳамият қаратилаётган.

Сўнгги йилларда Ислам Каримов номидаги Тошкент халқаро аэропорти модернизация қилиниб, йўловчиларга шароит яхшиланди. Хизмат турлари, рўйхатдан ўтказиш ва самолётга чиқиш йўлакларини қўйиб қўйилди. Умуман, уч йиллик реконструкция ишлари натижасида пойтахт аэропортининг жўнаб кетиш терминали майдони 56 минг квадрат метрдан 80 минг квадрат метргача кенгайди.

Ҳозирги кунда аэропортидаги учиб кетиш терминали реконструкция қилинмоқда. Бу уч босқичда амалга оширилиб, рўйхатдан ўтказиш, божхона ва хавфсизлик имкониятлари кенгайтирилади. Натижада йўловчиларга хизмат кўрсатиш қуввати соатига 1 минг 200 кишидан 2 минг 400 нафарга етади.

Шунингдек, Тошкент халқаро аэропортида янги карго терминали қуриш режалаштирилган. Бунинг самарасида юкларга сифатли хизмат кўрсатиш қуввати 300 тоннага етади.

Маълумки, 2022 йил 29 августда Урганч шаҳрида Ал-Хоразмий шаҳарчаси қурилишига пойдевор қўйилган эди. У ерда кўп қаватли уйлар, мактаб ва боғчалар, спорт ва маданият марказлари, хибоблар, технопарк ва бошқа мажмуалар барпо этилади. Хусусан, шаҳар-

ча марказида Ал-Хоразмий университети қурилади.

Лойиҳага кўра, бу олийгоҳда математика ва табиий фанлар, информатика, муҳандислик факультетлари бўлиб, 4 минг талаба таълим олади. Университет қошида истеъдодли болалар учун ихтисослашган мактаб ҳам бўлади. Шу тариқа, бу ерда ўқиш, илм-фан ва ишлаб чиқариш интеграцияси йўлга қўйилиб, таълим кластери яратилади.

Тақдимотда университет концепциясини бойитиш бўйича фикр алмашилди. Ёшларнинг тадқиқотлари учун замонавий лабораториялар ташкил этиш, стартап лойиҳаларини тижоратлаштириш, рақамли технологиялар ва киберспорт йўналишларини жорий қилиш муҳимлиги таъкидланди.

Яна бир мутафаккир бобомиз Абу Райҳон Беруний ҳам халқимизнинг фахруғурури. Унинг ҳаёт йўллари, жаҳон илм-фанига қўшган беқиёс ҳиссасини улуглаш мақсадида, Президентимиз ташаббуси билан, Қорақалпоғистон Республикаси Беруний тумани марказида музей ташкил этиш режалаштирилган. У икки қаватли бўлиб, энг илғор қурилмалар билан жиҳозланиши, интерфаол усуллар қўлланилиши мўлжалланган. Музей олдидидаги хиббонда Берунийнинг муаззам ҳайкали ўрнатилади.

Тақдимотда мазкур лойиҳаларга оид бир неча таклифлар кўриб чиқилди. Мутасаддиларга лойиҳаларни такомиллаштириш, қулайликларни ошириш ва сифатли қуриш бўйича кўрсатмалар берилди.

Ў.А.



ТЎҚИМАЧИЛИК ТАРМОҒИНИ РИВОЖЛАНТИРИШ ЧОРА-ТАДБИРЛАРИ МУҲОКАМА ҚИЛИНДИ

Президент Шавкат Мирзиёев раислигида 16 апрель кунини тўқимачилик соҳасида экспорт ва инвестиция ҳажмларини ошириш чора-тадбирлари юзасидан видеоселектор йиғилиши ўтказилди.

Тўқимачилик барча ҳудудларимизда кенг тарқалган ва аҳолини энг кўп банд қилган салоҳиятли саноат тармоғидир. Бугунги кунда 6 мингдан зиёд корхонада 570 минг киши иш билан

таъминланган.

Сўнгги йилларда инвестициялар ва янги технологиялар фаол жалб этилгани туфайли соҳада натижадорлик жадал ошган. Масалан, ўтган йили 8 миллиард

200 миллион долларлик тўқимачилик ва тикув-трикотаж маҳсулотлари ишлаб чиқарилган. Бу кўрсаткич 7 йил олдингига нисбатан 4,2 баравар кўп.

(Давоми 2-саҳифада)

Ў.А.

ПАРКЕНТ – ТУРИЗМ САЛОҲИЯТИ ЮҚОРИ ТУМАН

ТОШКЕНТ ВИЛОЯТИ



Паркент туманида туризмни ривожлантириш имконияти юқори бўлиб, айниқса, экотуризм, агротуризм, зиёрат туризми бўйича имкониятлар кенг. Бугунги кунда туманда 4 та меҳмонхона, 2 та дам олиш маскани, юздан ортққ оилавий меҳмон уйлари, 2 та хостел, 3 та санаторий ва соғломлаштириш объекти, 2 та зиёратгоҳ ҳамда 50 га яқин умумий овқатланиш шохобчалари мавжуд. Ўтган йил давомида туманимизга 863 минг нафар маҳаллий ҳамда 45 минг нафар хорижий сайёҳлар келди. Жорий йилда 900 мингга яқин маҳаллий, салкам 118 минг нафар хорижий сайёҳларни жалб қилишни олдимизга мақсад қилиб қўйганмиз. Бунинг натижасида Паркент туманининг туристик салоҳияти 2021 йилга нисбатан 3,5 бараварга ошди.

(Давоми 3-саҳифада)

Рашид ГАЛИЕВ олган суратлар.

ҚУЛУПНАЙНИНГ ҲОЛДА ВА ЗАРАРЛАРИ ҲАҚИДА БИЛАСИЗМИ?

Қулупнай – раъноғулдошлар оиласига мансуб кўп йиллик ўтсимон резавор экин. Илдизи попул илди. Тупи ўртача шохланган, бўйи 10 см.гача. Барглари юраксимон, гуллари қалқонсимон тўпулгалай йиғилган. 2 жинсли бу резавор оқ ёки оқ-сарик, ўзидан чангланади.



Май-июн ойларида пишади. Меваси тўқ қизил, баъзан навига қараб оқ (оқпар), 3-5 g.dan 20-40 g.gacha. Таркибида 80-90 фоиз сув, 7-11 фоиз қанд, 0,8-1,6 фоиз кислота, 1-1,7 фоиз пектин, 0,9-1,2 фоиз азотли моддалар, шунингдек, клетчатка, кул, А, В, С витаминлари бор. Ўзбекистонда қулупнайнинг Зенга-Зенгана, Қулвер, Дилбар, Муто, Тошкент, Шредер хотираси, Ўзбекистон навлари экилади.

Айнан баҳор фасли охирида қулупнай мавсуми бошланади. Ушбу мазали мевани йил давомида кутгандан кейин унинг фойда ва зарарларини ҳам билиб қўйиш мақсадга мувофиқ бўлади. Қулупнай нафақат кўпчиликнинг севиб истеъмол қиладиган меваси, балки доривор восита ҳам ҳисобланади.

Қулупнайнинг фойдали жиҳатлари – қулупнай таркибида жуда кўп фойдали моддалар ва минераллар мавжуд. Шунингдек, унинг таркибида темир, магний, калий, кальций, натрий, фосфор, кремний, рух ва мис бор. Мевадаги антиоксидантлар туфайли инсоннинг териси мустаҳкам ва эластик бўлади ва қулупнай таркибидаги фоллий кислотаси репродуктив тизимнинг нормал ишлаши учун хизмат қилади.

Қулупнайнинг зарarli жиҳатлари – қулупнай ошқозон-ичак тракти билан боғлиқ муаммоларга дуч келадиган одамларга зарар етказиши. Гипертония, яъни қон босимининг ошиши касаллиги мавжуд инсонларга ҳам ушбу мевани ейтиш тавсия этилмайди.

Қишлоқ ҳўжалиги
вазирлиги
ахборот хизмати

НАМАНГАН ВИЛОЯТИ

ГУЛМАР РАНГИДЕК ТУРҒА

63-Халқаро гуллар фестивалининг бу галги ўзига хосликлари хусусида Наманган вилояти ҳокими ўринбосари Ботиржон НУРИДДИНОВ билан суҳбатлашдик.

– Халқаро миқёсда ўтадиган нуфузли фестивалга тарадуд аллақачон бошланиб, қизғин паллага кирди. Наманганимиз ўзининг гуллари ва гулкорлари билан ҳам дунё назарига тушди. Гуллар рангидек турфа янги ва янги нақлар, ҳикматларга чулғониб бораётган Наманганимиздаги бунёдкорликлар Мухтарам Президентимизнинг вилоятимизга ташрифлари жараёнида янада ёрқинлашгани бугун нафақат мамлакатимизда балки жаҳон миқёсида ҳам эътироф этилмоқда. Хусусан, Наманган гуллари жаҳон бўйлаб илди



отаётганидек, дунё гуллари ҳам Наманган гулчилари меҳридан парварши топмоқда. Буни сўзим аввалидаёқ алоҳида айтишимнинг боиси шуки, гул азал-азалдан меҳр-оқибат, эзгулик, муҳаббатли ҳаёт рамзидир. Тинч ва обод жойда, фаровонлик қарор топган жойлардагина гул ва гулзорларга эътибор бўлади. Демак, гул тинчлик ва бунёдкор интилишлар рамзи ҳамдир.

Энди бу галги фестивалнинг ўзига хосликларига келсак, олдингиларидан ҳар томонлама такомиллашгани билан фарқланади. Мазмун қамровида жуда кўп янгиликлар ендашувлар, шакл-шамойиллар мужассам.

Авалло, айтишим керакки, 63-Халқаро гуллар фестивалининг тантанали тадбирлари, хусусан, фестивалнинг очилиш ва ёпилиш маросимлари одатдагидек Бобур номидаги маданият ва истироҳат боғи кириш дарвозаси олдида, шунингдек, "Янги Ўзбекистон боғи"да ҳам ўтказилади.

Шунинг учун ҳам Наманган шаҳрининг Давлатобод туманида барпо этилаётган янги боғда бажарилаётган бунёдкорлик ишлари жадал тус олдирилмоқда. Боғ ҳудудида ноёб



манзарали дарахтлар билан бир қаторда мевали дарахтларни кўпайтиришга ҳам эътибор қаратилмоқда. Мақсад шаҳар аҳолисининг фестивалдан кейин ҳам боғ сайлига келиб, мавсумий мевалардан баҳра олишга шароит яратиши. Ахир, шаҳар ичида ва кўп қаватли уйлар атрофида мевали дарахтлар йўқ ҳисобида-ку.

Бу йил фестивални май ойининг 19-санадан 23 июнга қадар давом этиши кўзда

тутилмоқда. Белгиланган қирқ кун давомида ҳамюртларимиз ва меҳмонлар бетакрор дизайнлар асосидаги мафтункор гул кўрғазмаларидан завқланиб, турли шаклдаги адабий, маънавий-маърифий ва ҳордиқбахш-кўнгилочар тадбирлардан мароқландадилар, яратувчилик ва маърифатга мазмундош кўрик-танловларда иштирок этиш имкониятига эга бўладилар.

(Давоми 2-саҳифада)

